



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Conuerso in Missa dormitanti, diabolus carnes obtulit, cap. 83

urn:nbn:de:hbz:466:1-13177

plenam ante os suum sensit, de qua etiam more canino, ut sibi videbatur, comedit; cumque sic bestialiter comedere erubesceret, caput quandoque retraxit, & satis durè parieti illisit.

CAPYT LXXXIII.

COnuersus quidam, sicut ab eius ore audiui, cùm die quadam auditor esset cuiusdam priuatæ missæ, in canone modicum quid dormitans, ex illusione diaboli, ipsum super quod prostratus iacebat lignum, dentibus rodere cœpit, ac si aliquid masticaret, & erat stridor dētium eius, ut sonus muris, testam nucis dentibus suis perforantis. Frater Richwinus Cellerarius noster, qui ad missam eandem ministrabat, hæc audiens, in orationibus suis impediabatur: & cùm posset Conuerso loqui, interrogabat eum, quid in missa inter dentes haberet, dicens: non potui propter vos orare; respondit ille: Credite mihi, ego comedidi bonas carnes. Vnde habuistis illas, inquit? respōdit Conuersus: Diabolus infra illum canonem præparaverat ori meo scutellam carnium bene refertam: si non creditis, notate lignum, in quo iacui, vestigia dētium meorum bene ibi repetietis; & narravit ei, qualiter à diabolo dormitans fuisset illusus; lignum verò ex dentibus eius fuerat corrosum. Sit inimicus viros religiosos, quos decipere per gulam non potest vigilando, ad minus illis illudere conatur dormitando. Audi nunc de quadam virgine, quam per carnes non dormitantem, sed vigilantem visibiliter tentauit; nec tamen præualuit.

CAPYT LXXXIV.

Virgo quadam de Niuella nata, domum patris & parentes amore Christi deserens, quibusdam feminis religiosis illius provinciæ se sociauit, cum quibus de opere manuum suarum vicitans, orationibus, iejunisque vacauit. Cuius virtutibus diabolus inuidens, anserem de domo patris eius tulit, & in triclinio, in quo cum ceteris feminis sedebat, depositus, dicens: Quid te misera fame crucias? accipe & manduca. Cui cùm illa diceret: Non licet mihi ex eo

*Etiam in
vigilia.*

come-